

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Podnosioc amandmana

Delegatkinja Sandra Imširović

Primljeno: 20-01-2023			
Org. jed.	Broj	Priloga	Vrijednost
02	-11-	2654	122

Bosna i Hercegovina

Federacija Bosne i Hercegovine

Dom naroda Parlamenta FBiH

N/r predsjedavajućeg G-din Tomislav Martinović

PREDMET: AMANDMAN NA PRIJEDLOG BUDŽETA FEDERACIJE BIH ZA 2023. GODINU

U skladu sa čl. 190. , 201. i 202. Poslovnika o radu Doma naroda Parlamenta Federacije, podnosim amandmane na prijedlog Budžeta Federacije BiH za 2023. godinu kako slijedi:

AMANDMAN I

U razdjelu 51 (Federalno ministarstvo rada i socijalne politike), glava 5001, ekonomski kod 6142 Tekući transferi pojedincima - Transfer za lica sa invaliditetom - neratni invalidi povećati za 200.000.000 KM, tako da ukupno ekonomski kod 6142 Tekući transferi pojedincima - Transfer za lica sa invaliditetom - neratni invalidi iznosi 360.000.000 KM.

Sredstva sa razdjela 16 (Federalno ministarstvo finansija), glava 1601, ekonomski kod 6141 Tekući transferi drugim nivoima vlasti i fondovima - KANTONI brisati i cjelokupan iznos od 200.000.000 KM prebaciti na razdjel 51 (Federalno ministarstvo rada i socijalne politike), glava 5001, ekonomski kod 6142 Tekući transferi pojedincima - Transfer za lica sa invaliditetom - neratni invalidi.

OBRAZLOŽENJE:

Kao što je poznato kategorijama djeca sa poteškoćama u razvoju i/ili invaliditetom i osobama sa neratnim invaliditetom (naziv koji koristi Vlada FBiH neratni invalidi), novčana primanja po osnovu lične invalidnine i tuđe njege i pomoći nisu povećana ni za 1 konvertibilni fening od 2009. godine, a 2016. godine osnovica za isplatu navedenih primanja je fiksirana na 274,40 KM. Obzirom na navedeno te na činjenicu da primanja ovih kategorija nisu povećana 13 godina i na okolnosti uzrokovane inflacijom i prilivom u Budžet Federacije BiH značajnih sredstava u 2022. godini, te na činjenicu da su svim kategorijama društva povećana primanja u vidu plata i naknada da bi se ublažio efekat inflacije smatramo da se moraju pronaći sredstva za hitno povećanje primanja populacije djece sa poteškoćama u razvoju i/ili invaliditetom i osobama sa neratnim invaliditetom.

Također, poznato je da je Vlada FBiH uputila u parlamentarnu proceduru Nacrt Zakona o jedinstvenim načelima i okviru materijalne podrške lica sa invaliditetom u Federaciji BiH te očekujemo u javnoj raspravi da dođe do izmjena i dopuna predloženog Nacrta Zakona na način da se u pravo na ličnu invalidninu vrate osobe sa neratnim invaliditetom i djeca sa poteškoćama u razvoju i/ili invaliditetom koja imaju procenat invalidnosti 60%, 70% i 80% što je pravo koje im je ukinuto 2009. godine. Obzirom da navedeni Nacrt Zakona treba proći javnu raspravu zahtjevamo da se kompletna procedura završi u oba Doma Parlamenta FBiH i zakon stupi na snagu najkasnije 1.5.2023. godine, uz izmjenu osnovice tako da iznosi 50% prosječne neto plate u FBiH i uz uvođenje OSI sa 60%, 70% i 80% u pravo na ličnu invalidninu (u iznosu 10%, 20% i 30% osnovice), za 90% invaliditet 40% osnovice i za 100% invaliditet 50% osnovice. Obzirom da ova populacija živi u svim kantonima Federacije BiH potpuno je opravdano

da se sredstva obezbjede iz onih koja su bila namjenjena kantonima na već predloženi način. Ova sredstva uz predloženih 160.000.000 KM mogu pokriti ovaj zahtjev za 8 mjeseci u 2023. godini.

AMANDMAN II

U razdjelu 51 (Federalno ministarstvo rada i socijalne politike), glava 5001, uvesti novi ekonomski kod 6142 Tekući transferi pojedincima-Jednokratna pomoć za osobe sa neratnim invaliditetom i djecu sa poteškoćama u razvoju i/ili invaliditetom sa sredstvima u iznosu 39.000.000 KM.

Sredstva sa razdjela 16 (Federalno ministarstvo finansija), glava 1601, ekonomski kod 6141 Tekući transferi drugim nivoima vlasti i fondovima - KANTONI I OPĆINE brisati i cjelokupan iznos od 10.000.000. KM prebaciti na razdjel 51 (Federalno ministarstvo rada i socijalne politike), glava 5001, novi ekonomski kod 6142 Tekući transferi pojedincima-Jednokratna pomoć za osobe sa neratnim invaliditetom i djecu sa poteškoćama u razvoju i/ili invaliditetom.

Sredstva sa razdjela 16 (Federalno ministarstvo finansija), glava 1601, ekonomski kod 6151 Kapitalni transferi drugim nivoima vlasti i fondovima - KANTONI I OPĆINE brisati i cjelokupan iznos od 29.000.000. KM prebaciti na razdjel 51 (Federalno ministarstvo rada i socijalne politike), glava 5001, novi ekonomski kod 6142 Tekući transferi pojedincima-Jednokratna pomoć za osobe sa neratnim invaliditetom i djecu sa poteškoćama u razvoju i/ili invaliditetom.

OBRAZLOŽENJE:

Obzirom da je populacija djece sa poteškoćama u razvoju i/ili invaliditetom i osobe sa neratnim invaliditetom jedina kojoj nisu povećana primanja od 2009. godine, da je u 2022. godini izražena velika stopa inflacije, zbog koje je i Vlada FBiH svojim uposlenicima isplatila pomoć u iznosu od 1080,00 KM, zahtjevamo da se hitno pomogne ovoj populaciji na način da se isplati jednokratna pomoć za djecu i osobe sa neratnim invaliditetom, a za stepen invaliditeta 60%-100%.

Delegatkinja u Domu naroda Parlamenta FBiH Sandra Imsirovic

Sandra Imsirovic